

**XIX АСР ОХИРИ XX АСР БОШЛАРИ ҮРТА ОСИЁДАГИ ҚОЗИЛАР СУДИ  
ТАРИХИННИГ РУС МАНБАЛАРИДА ЁРИТИЛИШИ.**

**Опаев Б.А.**

**Қоракалпоқ гуманитар фанлар илмий-тадқиқот институти.**

**Ф.И.О. Опаев Baymurat Abdreshitovich**

**Эл. Почта: Opaevb@list.ru**

Чор Россияси Үрта Осиёни босиб олганидан сүнг ўзларининг мустамлакачилик сиёсатини юритиш учун маҳаллий аҳолини ўргана бошлади ва бошқарув тизимида реформалар ўтказди. Мустамлакачилик даврида анъавий суд тизимида ҳам реформалар ўтказилди. Бу реформалар салбий натижаларга олиб келди ва маҳаллий аҳолининг норозиликлариға сабаб бўлди.

Үрта Осиёда колониал даврга тегишли манбалар асосан рус олимларининг ўлканинг табиий ресурсларини ва унинг маҳаллий аҳолисини маҳсус топшириклар билан ўрганиш мақсади да қилинган тадқиқотлар бўлиб, уларда қозилар суди фаолиятини мустамлакачилик қараашларида ёритган. Россия империяси мустамлака сиёсатини амалга ошириш учун маҳаллий аҳолининг суд-хуқуқ тизимини ҳам ўрганди. Шу даврдаги тадқиқотларни сиёсий-колониал мақсадларда олиб борилган характердаги изланишларнинг натижаси ҳисобланади.

Сирдарё вилояти Амударё бўлимининг Шўрахон участкаси бошлиғи Орест Шкапскийнинг асарлари Амударё бўлимининг кулакларининг ҳаёти ва уларнинг қозилар судидаги масалалари ҳақида муҳим маълумотлар беради. Муалифнинг «Аму-Дарьинские кулаки перед судом шариата и казиев»[14] асарида Хива хонлиги давридаги Шўрахонда қози судлари судхўрлик буйича хulosалари ҳақида ёзилиб, уларнинг қарз олиш, бериш қоидалари ҳақида ва шариатда судхўрликнинг тақиқланганига қарамай ўзгача усуlda судхўрлик йулга қўйилганини ёзади. Шунингдек, Шкапский хонлик давридаги ер эгалиги ва у буйича қозилик хужжатлари асосида ўрганди. Урта Осиёда кўчманчи аҳоли аёл-қизларининг одат ва шариат олдида хуқуқий ҳолатини тасвирлайди.

Рус шарқшуноси, ҳарбий амалдор Н. С. Лыкошин Үрта Осиёни Чор Россияси босиб олганидан кейин анъанавий суд тизимиға киргизилган ўзгаришлар ҳақида маълумотлар беради. Унинг «Полжизни в Туркестане: Очерки быта туземного населения»[10] асарида қозилик мансабига тайинланадиган инсон қандай бўлиши кераклиги ҳақида сўз этилади.

Рус шарқшуноси, Хива хонлигига юришида қатнашган А. Кун Хива хонлиги буйлаб қилган юриши давомида кўрганларини ёзиб қолдиради. Хива хонлиги қозилари шунингдек, қорақалпоқ ва қозоқ қозиларига маҳаллий аҳолининг муроажат этиш учун қийинчиликларга дуч келиятганини такидлайди[8]. Шунингдек, у Хива хонлигига тегишли мўхрлар буйича биринчилардан бўлиб ёзади.

Россиялик ёзувчи, этнограф Н. А. Дингельштедт Чор Россиясининг бошқа жойларидағи халқларнинг Туркистонга нисбатан анча мураккаб хуқуқий ва суд шароитида яшаётганларини такидлайди[2]. У минтақада суд соҳасидаги ислохотларнинг амалга оширилишини хато эканлигини ёзади.

Рус амалдори, Үрта Осиё юришлари иштирокчиси, Туркистон тарихига оид қатор очерклар муаллифи Ю. Д. Южаков ислом динининг аҳолига таъсири бошқа ҳеч бир жойда шариат судларида бўлгани каби кўрсатилмаган, дея таъкидлайди[15]. У ўзининг асарларида шариат судининг Туркистон халқи орасида таъсири жуда катта эканлигини,

рус маъмуриятининг аралашувида мусулмон судларида порахўрлик ва тухмат авж олганини айтади.

А. А. Кауфман, Ф. Гирс, С. М. Духовский, К. К. Пален каби амалдорларнинг мақола, кундаликлари, ҳисоботлари ва докладларида мавзу буйича бир қатар маълумотларни берилган. Жумладан, С.М.Духовский ўз доклади да Туркистаннинг маҳаллий аҳолисининг дини бўлган исломга эҳтиёткорлик ёндашишни такидлайди[4]. Шунингдек, 1908 - 1909 йилларда Туркистон ўлкасини текширган сенатор К. К. Пален ҳисоботида бошқа соҳалар қатори суд тизими буйича ҳам маълумотлар беради[11]. Граф Пален бошчилигида Туркистон суди қарорларини сенаторлик томонидан қайта кўриб чиқишида қатнашган С. Н. Трегубов ҳам Туркистон ўлкасидаги халқ суди буйича тадқиқот олиб борди[13].

Турғай вилоятининг катта маслаҳатчиси И. Крафт кўчманчи ва ярим кўчманчи аҳолининг тарихий суди ҳисобланган одат асосида судловчи бий судларини тадқиқ этди. Жумладан, у «Туркистон ўлкаси ва дашт вилоятларида суд бўлими» асарида одат ҳуқуки шаклланиши ва ундаги жазолаш қоидаларини таҳлил қилиб, қунни ундириш тартиби ҳақида аниқ маълумотлар келтиради[7]. Чор Россияси томонидан босиб олингандан кейинги Туркистондаги суд реформалари натижасида юз берган ўзгаришларни баён қиласди.

Л. А. Словохотов қозоқларнинг Кичик Жузидаги (Кичик Ўрда) одат ҳуқуки асосида иш юритадиган халқ судлари (бий судлари) ни тадқиқ қилиб, Оренбург обласида кучманчи ҳаёт кечирувчи қозоқларнинг суд тизимини юридик жиҳатдан ўрганган[12].

Рус тарихчиси, этнограф Турғай вилоятида 4 йил ветеринар бўлган А. И. Добросмыслов шу вилоятнинг туб аҳолиси қозоқларнинг XVIII - XIX асрлардаги суд тарихини ўрганади. Қозоқ хони Тавке ва унинг давридаги суд тарихини яритиб берди[3]. Лекин қозоқларнинг суд тизими ҳақида ёзган Словохотов, Крафт, Добросмыслов ва бошқа муаллифлар XIX аср бошида тадқиқот олиб борган А. Левшиннинг ёзганларини тақрорлайди.

И. В. Аничков ҳам Туркистон ва даштдаги қозоқларнинг одат ҳуқуки буйича тадқиқот олиб борди[1]. Унинг асарида маълумотлар ўзидан олдин қозоқларнинг суд тизимини ўрганган Крафтнинг келтирган маълумотларига мос келади.

Рус этнографии, юристи Г. Загряжскийнинг ҳам илмий қизиқишлари анъанавий қозоқ суд ҳуқуқини ўз ичига олган[5]. У ўз тадқиқоти давомида Даشت буйлаб кенг тарқалган бийлар суди зан (қонун) – анъанавий ҳуқуққа асосланиши ва шу билан шариат кучли таъсир кўрсатган одатга асосланган суддан фарқланишини кўрсатди.

Хива хонлиги қўл остида бўлган туркманлар Чор Россияси босиб олганидан кейин Каспийорти вилояти таркибида қўпчиликни ташкил этади. Туркманларнинг суд тизими буйича асарлар ёзган А. Ломакин, Қарашибон Ҳон ўғли одат ҳуқуки, туркманларнинг катхуда судларини ўрганди[9].

Бу даврдаги тадқиқотлар Чор Россиясининг мустамлакачилик сиёсати билан боғлиқ бўлиб, марказдан юборилган маҳсус топшириқлар асосида олиб борилган эди. Колониал даврдаги илмий ишлар мустамлакачилик нуқтаи назардан ёзилган бўлиб, Туркистондаги анъанавий судларга холисона баҳо берилмаган. Ҳозирда давлат архивларида Амударёning чап тарафида яъний Хива хонлигига қарашли бўлган худудга тегишли қозилик ҳужжатларнинг қўпчилик қисми ўрганилган бўлса, Амударё бўлимидаги қозиларга тегишли ҳужжатлар ҳалигача ўрганилгани йук ва бу ҳозирда Қорақалпоғистон тарихининг далзарб мавзуларидан бири ҳисобланади.

**ФОЙДАЛАНИЛГАН АДАБИЁТЛАР:**

1. Аничков И.В. Присяга киргиз перед русским судом. Журнал Министерства юстиции. СПб.1898. – С. 28.
2. Дингельштедт Н. Судебное преобразование в Туркестане., Журнал гражданского и уголовного права. Год 22-й.кн.7.СПБ,1892. – С.75.
3. Добросмыслов А.И. Суд у киргиз Тургайской области в XVIII и XIX веках. Казань, 1904. – С.107.
4. Духовский С.М. Ислам в Туркестане. Всеподданнейший доклад Туркестанского генерал-губернатора. Ташкент, 1899. – С.20.
5. Загряжский Г. О народном суде у кочевого населения Туркестанского края по обычному праву. Материалы для статистики Туркестанского края. Ежегодник. Вып. IV. Ташкент, 1876.
6. Карап Хан Оглы (Иомуд-Хан) Местный суд в Закаспийской области (Народный суд). Историко-критический очерк. Ташкент, 1922. – С.59
7. Крафт И.И. Судебная часть в Туркестанском крае и степных областях. Оренбург, 1898. – С.214.
8. Кун А. От Хивы до Газавата: Культура оазиса Аму-дарьи. От Кунграда до Чимбая. Материалы для статистики Туркестанского края. Вып. IV. СПБ, 1876. – С. 203-259.
9. Ломакин А. Обычно права туркмен (адат). Асхабад, 1897. – С.146.
10. Лыкошин Н.С. Положение в Туркестане: Очерки быта туземного населения. [Вып.1] – Петроград: Т-во «В.А. Березовский», 1916. – С. 414
11. Отчёт по ревизии Туркестанского края, произведённой по Высочайшему повелению сенатором гофмейстером графом К.К. Паленом. Народные суды Туркестанского края.СПБ,1909. – С.267.
12. Словохотов Л.А. Народный суд обычного права киргиз Малой Орды. Оренбург, 1905. – С.158.
13. Трегубов С.Н. Прокурорский надзор в народном суде Туркестанского края. Журнал Министерства юстиции. 1903, №7, 8, 10.
14. Шкапский О.А. Аму-Дарьинские қулаки перед судом шариата и казиев. Русская мысль. 1898, № 7, 8. – С.46-66. 123-136.
15. Южаков Ю.Д. Итоги двадцатисемилетнего управления нашего Туркестанским краем. СПб., 1891. – С.84.